

六年制小学课本

DIUT HNIUT XAOX XOOF BENX DUD
LEIX HMUB(hxit ed)

HVEB LEIX

benx zab

GUID ZEB MINF CUF CUF BAIX SEED

LIÙNIÁNZHÌ XIǎOXUÉ YǔWÉN KÈBĒN

HVEB XANGS BUB

Diut hniut xaox xof kod benx benx ib leit benx dlob ed leix Hmub leix Diel ob diel leix cuf baix, hxid hxit ed bangf qenf kuangd sul naix not bangf yid jeed, gangl benx nongd qend jus ed leix Hmub lol cuf baix. Leix Hmub dangt ib diel kod lol job qeb, ghab hxib ax not, ghab kod bix gid denx xus nenk. Benx dud nongd ib dangl gid not gangl leix Diel « Diut Hniut Xaox Xof Kod Benx • Hveb Leix • benx zab » gid diongb hvuk hfaid lol, dad bud bib kod diub fangb bangf hfud gid haib.

Benx dud nongd dios Guid Zeb Senx Minf Weix Laib Zux Qangb Hfaid Minf Cuf Leix Dud ghuk Jenb Dangk, Paib Sid Huaf, Dangk Wux, Huf Tinf Dof, Lix Xeex Weef, Taif Guangb Lief diut laix qangb hfaid jangx. Naix not hxit ed, maix diel yid jeed gheix xid ghax xangs bib, hnaib ghangb qet vut nenk dax.

Guid Zeb Senx Minf Weix Laib

Zux Qangb Hfaid Minf Cuf Leix Dud

hniut 1989 hlat 6

done 34/9





南京长江大桥



周总理的睡衣

一九七一年 宣子 北京



M
H2169
1
5

LEIX HFUD MAIS

Ngit Tuf Xof Kod Leix

kod 1 Xangt Dlangd Dud..... (10)

kod 2 Naif Jenb Jox Jux Eb Cangf Jangb..... (6)

Kod Leix

kod 3 Beb Nas Git..... (10)

Qend Dut Job Lias 1..... (13)

kod 4 Nes Jit Hsaib..... (15)

kod 5 Bib Dail Gangb Qik Nos..... (19)

kod 6 Pinf Pinf Niangb Diub Zaid..... (23)

Qend Dut Job Lias 2..... (27)

kod 7 Wil Zaid Ut Yut..... (30)

kod 8 Dail Naix Nongf Hxad Xend Diot

Nongf..... (36)

Qend Dut Job Lias 3..... (40)

kod 9 Hxak Yuf Jif Duid..... (43)

kod 10 Jox Jux Naix..... (46)

kod 11 Xad Kod Lol Ves Juf Fenb Zongb..... (51)

Qend Dut Job Lias 4..... (55)

kod 12 Wil Hangb Fangb..... (58)

kod 13 Det Mangx Xit Hsat..... (62)

kod 14 Dol Nes Ghok ~~Tid Vil~~..... (68)

Qend Dut Job Lias 5..... (73)

Ngit Tuf Xof Kod Leix

kod 15 Ngit Hangd Dol..... (78)

kod 16 Zeb Zongx Lix Bangf Pangb Ud

Bit Dab..... (82)

Kod Leix

kod 17 Nongs..... (85)

Qend Dut Jod Lias 6 (88)

kod 18 Lief Ninf Sul Weid Binb..... (92)

kod 19 Zangb Xongt Mil..... (97)

Qend Dut Job Lias 7 (100)

kod 20 Kak Liex..... (103)

kod 21 Diub Senx..... (107)

Qend Dut Job Lias 8 (110)

kod 22 Dail Hmangt Sux Hfat Daid..... (114)

kod 23 Dias Ngax..... (119)

kod 24 Dail Ninx Haib Dail Xed..... (123)

Qend Dut Job Lias 9 (127)

Ngit Tuf Xof Kod Leix

kod 1 **Xangt Dlangd Dud**

Hnaib xenb qib hxib dat , kib hnaib
diob ob, lal ghab waix gib neib. Wil sul
dial hlieb dad bad yut nas ob ait jangx
bangf dail dlangd dud ghangb hvib ghangb
niongk dax mongl leit ghab daix quf
cangf.

Niangb ghab daix quf cangf xangt
dlangd dud not naix bongt wat. Bib laix
ib gid, ob laix ib bet, maix ib pid xangt
dlangd dud leit ib dangl yangl ghangb hob
mongl yangx, maix ib pid gangf dlangd
dud nongt xangt vongs vongs. Dol dlangd
dud fangx fangx liongl liongl not diel not
yangs wat, maix "dlangd" , maix "cot",

maix "gangb kuk"qab ax maix "gangb yel". Wil hot dial hlieb hot: "Hvit nenk, hvit nenk xangt ob bangf 'gangb yel' yangt dax mongl yal. "

Ab dial hlieb mais wil gangf "gangb yel" deix deix, nenx gangf laib liol hfed, yangt lob dlinf dax mongl, bil yil job lob bil yil xangt hfed. Dangl nenx gol ib hveb hot "xangt", wil ghax xangt bil dlial. Ab dial hlieb tiet dail dlangd dud job lob dax mongl ib hxot jef juk jel, ob bangf "gangb yel" ghax yangt dins diab ab leit dangl yangl ghangb hob yangx. Nenx ob bongl ghab dak yel diab ab diab ab, bet ful ful, ob jil hniub mais was dob lob dob lob.

Hxot nongd, maix jox feib jib yangt

diot gid jes dax . A1 ! Ob bangf “gangb yel” liek dangf yangt hvib hfed jox feib jib mongl. Wil ghangb hvib wat, bil yil max bil, bil yil ghangd. “‘Gangb yel’ yangt hvib hfed jox feib jib yangx, gangb yel yangt hvib hfed jox feib jib yangx!”

Ib hxot ghab daib, yangt dax ib yat dail ghab daib nes, nenx dol bob niob

“gangb yel” jib jib qob qob kot, liek dangf hot: “Mongx diot hangd deis yangt dax? Vut wangb niox!” Gangx nongd, gid jes dad yangt dax ib dail “gangb bax lief hlieb”, dus bangx dus liongl, yangt ful ful vel ait vel hvib mongl.

Ghangb hob waix dlangd dud vel ait vel not dax, vut ghak bongt wat. Dail “gangb wab” fangx jangx jenb mongl,

gid ob jil ghab dak nox bib gheib, liek dangf niangb dol bangx gid diongb yangt mongl yangt lol, dail "nail jenb wif" xok gob liob, hfat daid wenf wenf, liek dangf niangb diongb eb longd eb. Dail maix laib ghab daib "weid xenb" lif fangx dlinl dlinl, liek dangf yangt niangb ghab waix niel.....

Dol dlangd dud fangx fangx liongl liongl des jent yangt diab ab diab ab niangb ghab waix nox, jus deix vut ghak lins niox.

1 Hxid tuf xend xend, hangb gid duf kod leix. Dab pit dab dol hveb nais.

(1) Nenx dol xangf deis niangb hangd deis xangt dlangd dud?

(2) Not naix xangt dlangd dud wat, mongx ait deis xangk dail xid dios "wil", dail xid dios "dial" ?

- (3) Liul tuf huad "wil" haib "dial" xangt dlangd dud, kod leix gid diongb bet deis hxad ait nend?
- 2 Liul tuf gid diongb dol dlangd dud, diel deis dios dol nes, diel deis dios dol gangb, vut vut xangk hangb gid xangs dax.
- 3 Duf ghab hveb, dad maix ghab diecx bangf dol hseid qangd hveb dax.
- (1) Al! Ob bangf "gangb yel" liek dangf yangt hvib hfed jox feib jib mongl.
- (2) Dol dlangd dud fangx fangx liongl liongl des jent yangt diab ab diab ab niangb ghab waix nox, jus deix vut ghak lins niox.

kod 2 Naif Jenb Jox Jux Eb Cangf Jangb

Hxib dat, wil dax leit Naif Jenb Jox
Jux Eb Cangf Jangb. Hnaib nongd vut
ghab waix lins niox, nox waix bongb
yongb. Laib hnaib dod dax, xend diab
ab, jex jil ghab dongs jux hlieb. hlieb
hniangt jox jux jongt dongs tinb. Jux
hfud dangl maix ob juf ob laib gix jux.
Jox jux liek dangf dail vongx hsab vongx
hlet bit niangb Eb Cangf Jangb gid waix.
Jox jux hfenb ait ob sangx, sangx dab
maix ob jox gid hlet, hox ceeb hangb,
sangx waix dios gid mal, ghab diong
gid qid ceeb hangb, ob pit gid naix
hangb. Jox gid fangd fangd, dol naix dol

ceeb mongl mongl lol lol liek gax dok
jus diel.

Wil des jox gid naix hangb dax
mongl vit jux diongb, maix ob laib gongb
nongf binb bangf sud xangd xongt deix
diab ab diot ob pit. Sud xangd pit ghangb
maix ob laib zaid diaob baox hlieb hlieb
hvib hvib, gid waix dol qif xok dod
hnaib dax lif dlinl dlinl, vut hxid lins
niox. Jox jux bangf sangx waix ob pit
maix ghab bongl ghab bongl ghab dongs
dieed denb xongt niangb ob pit dongx dit
yit. Wil nias ghab xil jux hxud diot
jox jux gid waix ngit khongd dol, diub eb
dol niangx lunf cuaif liek ib jox jox ghab
daib niangx, des dol langs eb dlinl hvib dlinl
gal; zongb naix ghax hnangd ib jox jox

hox ceeb genx hveb ghenl ghenl hsab ful
ful fat ghangb lob dab mongl.

Eb Cangf Jangb langs hlieb gangx
langs yut lal hul hul mongl diub haix
mongl. Dol lul dongf hot, Eb Cangf
Jangb xad duf, xangf nongd, jox jux
ghat ob hvangb, eb hlieb jangx gid lal
yangx.

1 Hxid tuf xend xend, hangb gid duf kod leix. Dab
pit dab dol hveb nais.

(1) Niangb dol hxid jox jux Eb Cangf Jangb dios
ait deis yangs? Nenx dios not xus bet ghuk
jangx?

(2) Jux diongb ait deis yangs? Niangb jox jux gid
waix hxid bongf laib gheix xid? Hnangd laib
gheix xid?

2 Hxid tuf, xangs pit dab ob hveb hseid bangf yid sib.

(1) Jux hfud dangl maix ob juf ob laib gix jux.
Jox jux liek dangf dail vongx hsab vongx hlet
bit niangb Eb Cangf Jangb gid waix.

(2) Jox jux ghat ob hvangb, eb hlieb jangx gid lal
yangx.

8 Zongb naix hxad.

gid hlet hox ceeb qid ceeb niangx lunf cuaif
ghab xil jux langx hniangt

